


中國大運河歷史文獻集成

32



主編 王雲 李泉

國家圖書館出版社

加釘石開外口雁翅以期益資堅實是廟壩存椿均

已用去無存委係實用實銷不敢隱混仰懇鑒轉等

情到州據此卑職伏查寶邑塘工於上年十月中旬

據崇邑徐令寶邑毛令會稟開呈椿木細數清摺內

餘椿一千零三十六根聲明因堵築石開攔潮大壩

借用椿木五百三十根又廟工搭架借用椿木五百

六根此時廟工未完後因木料缺少即將搭架之木

撥用其築壩椿木此時亦未起除是以十一月間聯

銜通報工竣稟內聲明築壩及修建各廟工用椿一

千三十六根今石開築壩椿木於本月間起除損傷

修築寶山海塘全案

卷六

五

居傷居多擇其可用者已加釘石開外口兩雁翅以

資堅固所有廟壩存椿均已用去無存委係實用實

銷謹肅稟覆仰祈

鑒覈

道光十七年八月二十二日稟



修築寶山海塘全案卷七

江蘇布政使司陳鑾詳為詳明事

衝損土石塘工業奉

奏明勸諭紳庶士民捐資集辦所需塊石查有署太湖

同知向倬署蘇督糧同知西丞吳縣知縣湯令堪以

委令辦運除札飭遵照并札大倉州寶山縣查明前

項塘工需用石料分移各委員應辦確數並於捐項

內動支石價解交委員收領辦運將分辦石數及給

價細數開摺通報查考外相應具文詳明伏候

鑒覈

修築寶山海塘全案

卷七

一

道光十五年七月二十六日具詳



江蘇布政使司陳鑾詳爲詳明飭委事竊照本年六月內風潮衝損寶山縣境土石塘工需用石塊前經由司詳明飭委署太湖同知向倅署蘇督糧同知西丞吳縣知縣湯令辦運在案查該處海塘現擇於九月二十一日開工立等石料赴工應用亟應委員督催以期迅速查有署海防同知試用理問劉廷翰試用未入流雷育謙太湖同知司獄現署吳江縣汾湖司巡檢馮步瀛堪以飭委分催除分札該三員遵照外相應具文詳明伏候

鑒覈

修築寶山海塘全案

卷七

道光十五年九月初十日具詳

二

江蘇布政使司陳爲札飭事據吳縣詳稱奉飭辦運寶山華亭兩處塘工應用碎石遵卽會同督糧太湖廳傳宕認辦去後今據宕戶周培蒼等稟稱山宕寫遠碎石隨地散放挑夫人等限於人數是以歷屆承辦均照例價給辦計每方需石一百二十擔每擔錢十四文所需船隻工所係屬海隅內地之船不能行駛歷均由該處雇辦窰船來山裝運今次船隻請移寶山縣雇船來山應給水腳聽候給發不敢涉手應辦石數亦求豫行飭知等情具稟前來卑職當查所開工價殊屬浮多遵飭極力撙節嚴諭各宕戶每方給挑夫工價并自山運至工次交卸一切在內共給制錢二千文取具認結在案除移寶山縣查照向例飭著船頭沈玉其雇撥窰船來山毋得刁難以便陸續運赴外詳祈將應辦石數先行飭知取領詳給銀兩趕挑等情到司據此查此項塘工需用碎石前於撫院未經起程之前據該廳縣等面稟每擔需價十四文當奉嚴飭刪減嗣經本司督同該廳縣等酌定價值每方連水陸運腳一切給價二千文運送到工該縣業已遵飭願辦並經本司通稟在案茲查該縣來詳石價每擔仍係十四文又需由寶山雇船來蘇

修築寶山海塘全案

卷七

三

運撥則是每方除石價一千六百八十文之外所餘僅止三百二十文以作裝運船隻水腳一切試問由蘇至寶往返是否敷用明係該縣聽信宕戶之言含混取巧實屬庇徇總之此項碎石前議每方給價二千文一切在內已屬公允此外斷不能再有開銷其裝運赴工應否需雇寶山窰船亦由該縣自行酌辦不能再由寶山給價致為將來多銷地步所有應辦石數亦即由該縣移查寶山覆到趕緊辦理據詳前情合亟申飭札到該府立飭遵照指飭各事理趕緊按數辦運不得稍有貽誤致干重咎仍先將遵飭辦

修築寶山海塘全案

卷七

四

理緣由稟覆察覈

道光十五年八月二十五日札蘇州府

吳縣知縣湯譽光為請領價腳銀兩事道光十五年九月十五日奉

修築寶山海塘全案

卷七

五

石節省一百餘丈其石底馬牙梅花樁亦改從節刪除同土塘一併造冊詳報外現已定於二十一日同時興工相應豫懇迅飭承辦石料委員趕緊先將此項條石按照寬長尺寸購運務於二十日全數到工以便興修等情到司據此除專委長洲縣主簿曹錫璜赴山採辦外合就飛飭札縣立即遵照會同西丞并委員趕緊先將此項條石按照寬厚長尺寸購運務於本月二十日全數到工以便興修仍先將起運日期具報毋稍遲延致誤要工定干詳參等因下縣奉此遵即會同飭辦去後嗣接委員曹主簿來函據

稱已傳諭各岩戶將此項條石照浙塘裏石之式六面做平每塊寬一尺二寸厚一尺長自三尺起至六七尺不等所有石價鑿工運腳悉照浙省裏石例價囑由卑縣請領給發等情前來查奉辦浙省塘工裏石每丈石價庫平紋銀七錢二分鑿工三錢七釐二毫水腳每丈每里銀二釐四毫四絲八忽今辦前項寶山塘工條石八十五丈覈計應領石價銀六十一兩二錢鑿工二十六兩一錢一分二釐水腳應按里給發查自蘇至寶山工次計程三百六十里應給銀七十四兩九錢八釐八毫照浙塘裏石例價覈算三

修築寶山海塘全案

卷七

六

共應領庫平紋銀一百六十二兩二錢二分八毫理合備領具文詳請伏祈

俯賜覈明動放以便轉給

道光十五年九月二十三日詳

吳縣知縣湯譽光爲申報事道光十五年九月二十日奉

布政司陳札開照得寶山縣風潮衝損土石塘工所需塊石前經飭委太湖同知向倅署蘇督糧同知西丞吳縣湯令等辦運嗣因工需緊要又經飭委劉廷翰雷育謙馮步瀛等分投督催並據蘇州府取具金焦二山岩戶遵辦切結請各先發一百方價腳共錢四百千前來業經放給洋錢四百元飭發蘇州府按照時價折錢親督委員當面給發金焦二山各岩戶分領各在案現查寶山縣塘工需用碎石一萬一千

修築寶山海塘全案

卷七

七

三百餘方華亭縣塘工需用塊石二千餘方共約計一萬三千三百餘方覈派吳縣金焦二山岩戶各承辦四千方限每月各運石到工一千方太湖廳各山岩戶承辦六千方限每月運石到工一千五百方四個月內全數運竣以應工需合就札飭札縣立即遵照來札催令各岩戶趕緊如數辦齊依限運赴寶山華亭兩處工次應用毋得逾限致干參辦不貸先將起運的期飛速稟報察覈等因下縣奉此查華亭縣修築海塘需用塊石前準移辦卽經卑縣飭傳岩戶認辦去後嗣據金焦兩山岩戶周培蒼費辛宜等各

具認辦切結前來當將華邑移到洋錢二百元交給收領取領附卷押辦在案茲奉前因除再嚴飭將應辦華亭寶山兩處石料一併趕緊辦運外合將華邑移到洋錢給領押辦緣由具文報明伏候

鑒覈

道光十五年九月二十四日申

江蘇布政使司陳爲札知事據吳縣詳稱奉委採辦寶山塘工麻條石料八十五文照浙省裏石例價每丈石價銀七錢二分鑿工三錢七釐二毫水腳每丈每里二釐四毫四絲八忽自蘇至寶計程三百六十里共應領石價鑿工水腳等銀一百六十二兩二錢二分八毫備領詳祈覈明動放轉給等情到司據此查覈應領銀數與浙塘條石例價相符應即按數放給惟前項條石價腳銀兩未據該縣批解到司自應於前次寶山縣解到雇募破夫洋錢內動給洋錢二百十四元飭發署理問吳廷榕按照時價合算應給銀數轉給吳縣趕辦合就札飭札到該員即將發來洋錢二百十四元按照市價合算應給銀數轉交吳縣傳集各宕戶按數給發分領取具領狀呈送備案並將轉發數目具覆

道光十五年九月二十四日札

吳縣知縣湯譽光爲申報事案奉

藩司飭辦寶山縣塘工需用條石八十五丈遵卽會同委員長洲縣主簿曹錫璜督飭宕戶將石按照浙江塘工裏石之式每塊厚一尺寬一尺二寸長自三尺起至六七尺不等趕緊備辦茲已辦齊分裝船隻全數起運備文移交寶邑驗收外合行具文申報伏祈

鑒察

道光十五年十月十九日申

署蘇州府督糧同知西拉蒙阿試用理問吳廷榕爲
遵飭會報事奉

札委辦運寶山縣塘工碎石卽據吳縣諭令宕戶定價取結申覆在案茲據吳縣原差陸文張耀將金焦兩山各宕戶傳齊由卑職西拉蒙阿會同卑職吳廷榕遵將給發寶山縣申解印花原封洋錢四百元內當堂給發金焦兩山宕戶周培蒼費辛宜等具領洋錢三百八十一元照時合價計通足制錢四百千文餘洋十九元現存卑職督糧廳署以備下次領價給發卽據金焦兩山宕戶周培蒼費辛宜錢天瑞殷載

安范聲揚盛正光袁友山張進明陳瑞方殷稼堂夏金元朱德瑞陸紹基費敘高范愛堂於義章顧炳文盛孝先許三益張孝先袁心安吳玉章范作霖袁載榮費天德於聖岐盛松茂顧友松陸炳賢等具呈領狀內稱實領得寶山縣塘工灘水碎石每方共該腳價錢二千文正宕等金焦兩山各先承辦一百方今當堂共領二百方價錢照時合價每洋作制錢一千零五十五文共領洋錢三百八十一元合計通足制錢四百千文正定限於本月二十五日起運其餘石價隨領隨運所具領狀是實等情前來除將領狀附卷

並價催依限辦運另報外合將會同當堂給價趕辦
緣由先行申報仰祈

鑒覈

道光十五年十月二十一日申

署蘇州府太湖同知向培蒹謹稟竊卑廳承辦華寶
兩工碎石六千方爲數甚鉅前任採辦浙江因湖石
可以燒灰所餘碎塊均經該宕戶隨時售賣附近水
次者搜羅殆盡山頂山腰略有存餘約計僅數十方
一運卽完必須開採業經另文詳請在案伏查前奉
札飭每方挑運水腳等項發價二千文原指採拾現
存石塊而言今開山打鑿必須挑挖浮土雇募石匠
請開之三澤兩山乾隆嘉慶及上年疊次開採山麓
近水者早經鑿用半皆洞老泥深最近亦在半腰挑
運亦不易易該宕戶等呈請加給工價每方一千餘

文太屬浮冒卑職私自訪察每匠一名日可鑿石一
千餘斤每方一萬二千斤須匠八工所費亦大擬每
一日勒令交石二千斤則六工可以成方民雇價值
每工日需一百餘文斷難依照惟當酌給口食不使
枵腹從公每方應給若干仰乞
酌議飭知俾令及早興工定價後更乞
賜發告示曉諭使工匠知所遵守且免吏胥宕戶從
中剋扣之弊實爲公便

道光十五年十月二十七日具稟

江蘇布政使司陳鑾申爲呈報事竊照寶山縣風損塘工需用碎石一萬餘方該處開工業已月餘前項碎石到工者甚屬寥寥若不趕緊運工難免停工待料亟應添員催辦查有新陽縣縣丞方心簡堪以飭委除飭遵外相應具文呈報伏候
鑒覈

道光十五年十一月初一日申

署總督部堂林札蘇州布政司據署蘇督糧同知西拉蒙阿稟稱奉委辦運寶山海塘需用碎石遵即親赴金焦山督押趕運現已裝齊三船於本月十一日將受裝之船戶楊丹山等三船共裝碎石十八方八分督押開行徑送工所交收第查石多船少必須輾轉運且恐船戶沿途耽延請飭經過地方官加緊督護儘押出境并飭工所迅速點收及早押船歸山以便接續裝運不致藉延俾公有濟等情到本署部堂據此查寶山海塘需用碎石本署部堂在巡撫任內飭屬採辦前據該司報委署蘇糧同知西丞署太湖同知向倬經理辦運昨本署部堂親赴寶山查工時太湖石船適經運到查驗該處所辦係屬黑石質性酥脆遠不如吳縣金焦山石之合用現在金焦石船既經裝載開行似應先儘該處山宕購辦以期石料堅實塘工藉資鞏固合亟札飭札到該司立即轉飭遵照一面速飭經過地方官將楊丹山等石船加緊嚴催儘押出境并飭工所委員一俟船戶楊丹山等三船到工作速點收俾得及早轉棹駛接運以濟工需切速

道光十五年十一月十四日

護撫部院陳爲據領札知事照得本護院於藩司任內書捐寶山海塘工料銀三千兩現由督辦塘工坦水碎石委員蘇督糧西丞請領就近發交宕戶船工趕緊辦運等情除經發交制錢三千千文以合捐數外今據該丞出具印領前來除領存案外合就行知札司該吏即便轉飭知照並飭該丞督同各宕戶將應辦石料趕緊採辦分運工次應用務期源源接濟所該價值卽於前項錢文內動給具報仍將運石數目船戶姓名起運日期通報並飭該州縣及總辦委員一體知照可也

修築寶山海塘全案

卷七

道光十五年十二月十八日札

六

署蘇州府太湖同知向培莠謹稟竊照卑廳奉派採運華亭寶山兩處海塘工石並準前署蘇州府周守移發運腳洋銀八百元因卑廳僻在偏隅宕戶既疲船隻又少石料爲工程急用延誤堪虞奉派後卽親赴該山並選撥親丁督率竭力營謀十月望間始能開運陸續送至華亭工次九十一方三分寶山工次三十一方四分正在集匠開山期於源源接運適逢督憲臨工查勘廳石色黑而酥難以經久併歸金焦兩山辦理等因伏查此項工程蒙

藩司費盡經營捐廉倡首卑職自當仰體

修築寶山海塘全案

卷七

七

德意藉石力圖報効今以石性不佳見遺未克始終奮勉殊滋愧赧已運之石計華亭寶山共一百二十二方七分爲數甚少所有工力運費卽由卑職自行捐出聊助平地一簣之勞除將原發洋銀八百元照數移還周守歸款外合將捐運緣由具稟仰祈

察覈

道光十五年十二月十七日具稟

署江蘇布政使司裕謙爲呈報事案據署蘇督糧同知西丞請領委辦寶山華亭塘工碎石價腳洋錢二千元到司當查寶山塘工需用碎石一萬一千三百餘方先經前司議定每方給錢二千文飭派吳縣金焦二山各辦四千方餘石飭派太湖廳承辦嗣奉署督院因太湖所辦係屬黑石質性酥脆札飭先儘金焦辦運此項價腳本年九月內據前署蘇州府周牧開摺面呈前司請領二百方價腳共錢四百千當給洋錢四百元在案續奉

札知前於藩司任內書捐工費銀三千兩據西丞請領已發制錢三千千文飭令發給碎石價腳之用等因計所領價腳連飭發之錢覈算約已給過一千七百方而十二月十四日據寶山縣稟報該丞運到碎石僅四十七方六分現已續運若干亦未據通報據領洋錢未便放發即經飭查覆司覈數給領去後今據西丞稟覆計自開運及今已經運出碎石一千一百三十方請俟月終將續後運過船數方數通報一次雇船必得先發定錢方肯受載現有堆貯山下水次碎石一千餘方凡此已發挑費及差役隨船押運飯食並一切雇船所需在在均需現錢給領刻難緩

待奉發洋錢四百元及

護撫院發到大錢三千千文現已將次用竣當此雇船趕運喫緊之際諸需設法妥速辦理是以請發洋錢二千元以便易錢存貯隨時給領趕運將來按方銷算等情到司據此自應於繳存司庫寶山塘工捐項洋錢內支發洋二千元以資雇船裝運除於十二月二十八日放給飭將續運石數通稟察覈並飭源源起運外相應加戳呈報伏候

鑒覈施行

道光十五年十二月二十九日申

署江蘇布政使司裕為轉飭事奉

署總督部堂林批署太湖同知向倅稟已運華亭寶山兩縣工石請自行捐辦並將原發洋銀移還情由奉批該廳原派採運海塘工石前經本署部堂親臨工次查驗石質黑酥飭令免辦祇令派船協運在案今據稟已運寶山華亭二縣共石一百二十餘方所用工力運費該廳既請自行捐出亦見急公應即覈數收歸捐項仰蘇州布政司轉飭知照並飭蘇州府將移還洋銀查收歸款具報一面仍遵前批查明廳境六十餘號石船現已陸續押赴吳縣金焦二山裝運若干隻如有潛匿未到之船亦即嚴催該廳作速查明押送不得稍任諉延並候

修築寶山海塘案

卷七

二

護撫院批示繳等因到司奉此查此案前奉

撫院批司即經轉飭遵照在案奉批前因合就轉飭札到該府即便遵照前札查明前項洋銀八百元是否華亭採辦碎石價徑覆

撫院並報本司查考並移松太二府州轉飭將前項價腳覈數收歸捐項彙案造報一面轉移太湖廳查明廳境六十餘號石船現已陸續押赴吳縣金焦二山裝運若干隻如有潛匿未到之船亦即嚴查押送

不得稍任諉延

道光十五年十二月二十九日札蘇州府

修築寶山海塘案

卷七

三

署蘇州府督糧同知西拉蒙阿爲造冊申報事奉委
辦運寶山華亭兩邑塘工坦水碎石一案卑職遵於
金焦二山分督委員嚴押各宕戶購辦碎石雇船裝
送工次自上年十一月十一日具報開運起截至年
底止總共運過碎石二千八十八方八分分運寶山華
亭工次交收除俟隨後陸續裝運再行另報外合將
運過船戶花名押護丁役碎石方數給發燈旗開行
日期先行截數造具清冊具文申報仰祈
鑒覈

計開

修築寶山海塘全案

卷七

三

楊丹三等船共一百三十八號各給旗燈一副添派
家丁押差共一百一十一名分一十八起於十一月十一
日至十二月三十日止給照裝載金山碎石共一千
二百十四方三分運赴寶山工次交收

顧嘉生等船共五十二號各給旗燈一副添派家丁
押差共二十五名分七起於十二月初十日至三十
日止給照裝載金山碎石二百方二分運赴華亭工
次交收

吳永傳等船共六十六號各給燈旗一副添派家丁
押差共三十四名分六起於十二月初十日至三十

日止給照裝載焦山碎石五百九十四方三分運赴
寶山工次交收
陳小觀等船共二號各給旗燈一副添派家丁押差
二名於十二月初十日給照裝載焦山碎石十方運
赴華亭工次交收
道光十六年正月初四日申

修築寶山海塘全案

卷七

三

署江蘇布政使司裕爲據稟札飭事據署蘇督糧司知西丞稟稱奉札飭辦顧運口石洞條石照依丈尺一律趕採迅速押運送工等因自應遵奉趕辦以濟工需何敢稍事延惟是太倉州並委員稟內聲明明年正月二十以前先將石洞鋪底條石四百七十塊辦齊運工其單長條石亦先運工四百五十丈卑職伏查金山石質鬆脆向不開採大料條石祇有焦山一處可以採用昨奉

撫院面諭隨經卑職前赴焦山查勘止存條石數十條長短不齊約計八十餘丈不敷工需業已開摺呈

修築寶山海塘全案

卷七

五

明

鑒覈在案茲以工需合計尚不敷十分之一今奉委辦勢必另行開採第照依長短厚薄一律鑿做平正已屬猝難齊全況輾轉挑運又復在在需時刻下已屆歲除距正月二十日之期爲時無幾即使多集人工勢亦難以依期辦全卑職再四籌畫若非稍寬時日卽不拘長短只須厚薄均勻積長合數庶幾趕辦尙易事關要工設經貽誤咎無可辭不得不先行瀝情具稟仰懇俯念工緊限迫賜予寬展覈示祇遵俾得漏夜集匠採做運送工次至應需價腳卑廳無卷

可查合併附懇飭知吳邑查照前卷將上屆議定價腳照錄一單迅卽送交卑職以憑覈減議價稟覆等情到司據此合亟飛飭札到該州立卽遵照迅速查明應用石洞究於何時必須運工能否寬展期限所辦之石是否必須照前稟丈尺辦運抑可不拘長短只須厚薄均勻積長合數限文到日速卽逐一徑覆該丞照辦並報本司查考至應需價腳上屆每丈若干亦卽查卷開單附覆均毋遲延

道光十六年正月初三日札太倉州吳縣

修築寶山海塘全案

卷七

五

署江蘇布政使司裕謙爲呈報事據署蘇督糧同知西丞申稱委辦寶山華亭塘工碎石截至年底止已運過碎石二千餘方開冊申報在案惟查現在督令趕裝續運並自山上挑堆水次已約有二千餘方并於各處添雇石船濟用是以經費雇船在在需用謹再請領洋錢二千元領回易錢給發等情到司據此本司查係應給之項自應於繳存司庫寶山塘工捐項洋錢內支發洋錢二千元俾資濟用除於正月十三日放給飭將未運各石趕緊源源起運外相應加

戳呈報伏候

修築寶山海塘案

卷七

三

鑒覈

道光十六年正月十八日申

署蘇州府督糧同知西拉蒙阿稟敬稟者竊卑職具稟奉辦移建顧運口石洞估需料石請示緣由奉藩司批開已據稟札飭太倉州寶山縣查明應用洞

石究於何時必須運工能否寬展限期所辦之石是否必須照前稟丈尺辦運抑不拘長短只須厚薄均勻積長合數逐一徑覆該丞照辦並飭吳縣將上屆辦運寶山塘石議定價腳開單移送覈減稟辦矣仰卽遵照一體移查一面嚴督宕戶趕緊採辦運工應用毋遲此繳等因奉此卑職祇聆之下遵卽一體移查並飭宕戶先行雇匠迅速採辦及妥議價腳毋許浮混在案旋據該宕戶等遵照上屆所辦浙工逐一議減開單具稟當查所議係照上屆浙石定價逐加節減似無可刪而昨奉

修築寶山海塘案

卷七

三

鈞飭卑職敢不悉心搏節致滋糜費而負

委任至意是經批飭再行確議茲據該宕戶稟稱奉辦寶邑石洞料石照依丈尺長短寬厚再加搏節另開清單呈電惟開採久遠山老宕枯泥水澆積兼之鑿鋼煤鐵工食諸凡昂貴是以萬難再減所有三尺長起之石係浙省之裏石辦有成案而長邑水利曹廉亦經著辦八十五丈運交寶山工用現奉飭減不